



Lisalisi Oyo Euti Na Nzambe

Maloba ya Bible oyo eponami na
Watson Goodman

Ya ofelo — Kotekisa te

LISALISI OYO EUTI NA NZAMBE

“LISALISI OYO EUTI NA NZAMBE” ezali Maloba ya Bible oyo toponi mpe tosangisi esika moko, mpo élakisa biso polele ndenge Nzambe asalisaka bato.

Maloba ya Bible euti “na Nzambe”. Ezali kolakisa nzela na bato oyo bazali koyoka mposa ya bosembo. Yezu Kristu ayaki mpo bato bábongola mitema, báboya masumu, báyamba ye na mitema na bango. Soki moto andimi ’tè Yezu ázala Mobikisi na ye, Mokonzi Yezu akomimonisa mpenza epai na ye mpe akopesa ye motema esengo mpe kimia. Ngai moko nasalaki bongo, mpe nazwaki bolamu ya Mokonzi na mbula 1937. Banda ntango wana tee lelo, nazali kotambola elongo na Mokonzi Yezu, mpe eloko moko té esi’ekabolá ngai na ye. Ndeko, soki ondimi naino Yezu lokola Mobikisi na yo té, nasengi yo óndima ye BANDA LELO, mpe ómipesa na Ye.

—Watson Goodman (1920-2002)

NZAMBE ALINGAKA BATÓ

1

Rom. 5:8

Nzambe alakisaki 'tè alingi biso mingi mpenza: mpamba té Kristu akufelaki biso ntango tozalaki naino bato ya masumu.

Yebisa 1:5

Yezu Kristu azali Temwe ya solo: Mwana ya liboso, na kati ya bato nyonso oyo bakufá; Mokonzi ya bakonzi ya nse. Ye alingaka biso mpe asopaki makila na ye mpo álongola biso na boumbu ya masumu.

Yoane 13:1

Feti ya Bayuda ya Paki ekóma-ki penepene. Yezu ayebaki 'tè elaka na ye ya kolongwa na moki-

li ekoki mpo ákende epai ya Tata na ye. Ntango nyonso azalaki kollinga bato na ye oyo bazalaki na mokili, bongo alingaki bango tee na nsuka.

Yerem. 31:3

Nkolo abimelaki ngai na mosika, alobi: Nalingaka bino na bolingo ya seko; yango wana nalembaka té na kobenda bino epai na ngai.

Yoane 3:16

Nzambe alingi bato ya mokili mingi mpenza; yango wana apesaki Mwana na ye se moko mpo 'tè moto nyonso oyo akondima ye ákufa té, kasi ázwa bomoi ya seko.

Mika 5:1

Yo Beteleme, mboka ya libota ya Efrata, ozali mboka moke na kati ya ekolo ya Yuda. Moto na ngai oyo akotambwisa bato ya Israele, akouta epai na yo. Banda kala bankoko na ye bazalaki na lokumu.

Matayo 1:22-23

Nkolo akokisaki maloba oyo ye alobaki na monoko ya mosakoli na ye: "Elenge mwasi oyo ayebi naino nzoto ya mobali té, akozwa zemi, akobota mwana mobali, mpe bakopesa mwana yango nkombo: 'Emanuele', elingi koloba: 'Nzambe azali na biso.'"

Yoane 1:1, 14

Na ebandeli, ntango Nzambe asalaki likolo na nse, Liloba ezalaki. Liloba ezalaki na Nzambe. Liloba ezalaki Nzambe ... Liloba ekómi moto lokola biso. Ye azalaki na kati na biso; atondaki na lokumu ya Nzambe mpe na makambo ya solo. Biso tomonaki lokumu na ye, oyo azwi epai ya Tata, mpo azali Mwana na ye se moko.

Yoane 14:9-10

Moto oyo amoni ngai, amoni mpe Tata. Bongo ndenge nini olobi: "Lakisa biso Tata?" Ozali kondima té 'tè biso na Tata tozali moto moko?

Yezaya 9:5

Baboteli biso mwana moke; Nzambe apesi biso mwana moko ya mobali. Alati mpete ya bokonzi. Bapesi ye bankombo oyo: Moto ya mayele ya solo, nzambe ya makasi, tata ya seko, mokonzi ya boboto.

Matayo 17:5

Lipata moko ya pembe eyaki, mpe mongongo eutaki na lipata, elobi: Oyo azali Mwana na ngai ya bolingo; nazali na esengo mingi mpo na ye. Bóyokela ye.

Kolos. 2:9

Nzambe amonanaka mobimba mpenza na nzoto ya Kristu.

Luka 1:35

Anzelu alobi na Maria: Molimo Mosantu akoyela yo, mpe nguya ya Nzambe ya Likolo ekozipa yo. Bongo mwana oyo okobota, akozala mosantu, mpe bakobenga ye Mwana ya Nzambe.

1 Yoane 4:15

Moto nyonso oyo andimaka 'tè Yezu azali Mwana ya Nzambe, Nzambe asangani na ye, mpe ye asangani na Nzambe libela.

Yoane 10:36

Nzambe aponi ngai moto na ye, mpe atindi ngai awa na mokili. Yango wana nalobi 'tè nazali Mwana ya Nzambe.

YEZU AMIYEBISI NA BISO

Mwasi ya Samaria alobi na Yezu: Nayebi 'tè Mesia akoya, oyo babengaka Kristu. Ntango akoya, akoyebisa biso makambo nyonso. Yezu azongiseli ye: Ngai oyo nazali koloba na yo, nazali Mesia.

—Yoane 4:25-26

Ngai nazali mampa ya bomoi. Moto oyo akoya epai na ngai, akoyoka lisusu nzala té; mpe oyo akondima ngai, akoyoka lisusu mposa ya mai ata mokolo moko té.

—Yoane 6:35

Nazali koloba na bino ya solo: ngai nazali lokola monoko ya lopango ya bameme.

—Yoane 10:7

Ntango ngai nazali awa na mokili, nazali moi mpo na bato.

—Yoane 9:5

Yezu alobi na bato: Bino bozali bato ya nse, kasi ngai nazali moto ya Likolo. Bino bozali bato ya mokili oyo, kasi ngai nazali moto ya mokili oyo té.

—Yoane 8:23

Nazali koloba na bino ya solo: liboso 'tè Abarama ábotama, NGAI NAZALI.

—Yoane 8:58

Yezu alobi na Marta: Ngai nazali mosekwisi mpe napesaka bomoi. Moto oyo akondima ngai akozala na bomoi, atako akufá.

—Yoane 11:25

Matayo 20:30. 34

Bato mibale bakufá miso bafandaki pembeni ya nzela. Ntango bayoki Yezu azali koleka, babandi koganga: "Mokonzi, Mwana ya Davidi, yokela biso mawa!" Yezu ayokeli bango mawa mpe asimbi bango na miso. Na mbala moko babandi komona mpe balandi ye.

Matayo 14:19-21

Yezu alobaki na bato nyonso bafanda na matiti; na nsima akamati mampa mitano na mbisi mibale, atomboli miso likolo mpe atondi Nzambe. Akatikati mampa yango mpe apesi yango na baye-

koli na ye, bongo bayekoli baka-boli yango na bato. Bato nyonso balei mpe batondi. Bayekoli balo-koti biteni oyo etikalaki mpe batondisi na yango bitunga zomi na mibale. Bato oyo baliaki, bazalaki mibali soki nkoto mitano, ko-tanga basi na bana té.

Luka 5:5-6

Simoni alobaki: "Moteyi, tosali butu mobimba mpe tokangi ata eloko moko té. Kasi lokola yo otindi boye, nakobwaka minyama na mai." Bongo babwaki minyama na mai mpe bakangi bambisi mingi mpenza. Minyama na bango ebandi kopasuka.

6 KRISTU AZALI MOKONZI YA LIKOLO NA NSE

Na mikolo oyo ya nsuka, Nzambe alobeli biso na monoko ya Mwana na ye. Nzambe asalaki mokili mobimba na ye, bongo aponi ye mpo ázala nkolo ya biloko nyonso.

—Ebreo 1:2

Nzambe asalaki biloko nyonso na ye. Eloko moko té ezangi kosalama na ye.

—Yoane 1:3

Nzambe oyo asalá biloko nyonso, apesi ngai Polo mosala ya kolakisa na bato nyonso ndenge azali kokokisa sikoyo sekele oyo ye akanaki na motema na ye, uta na ebandeli.

—Efezo 3:9

Nzambe asalaki biloko nyonso na lisanga ya Kristu, oyo ezali na likolo mpe awa na nse; oyo emonanaka to emonanaka té; milimo oyo ezali na nguya, na lokumu mpe na bokonzi; nyonso wana esalamá na Kristu, mpe mpo na ye.

—Kolos. 1:16

Bato nyonso ya Israele base-nngeli koyeba malamu 'tè Yezu oyo bino bobomaki na ekuruze, Nzambe akómisi ye Nkolo mpe Mesia.

—Misala 2:36

Kristu akufaki mpe asekwaki mpo ázala Mokonzi ya bato bakufá mpe ya baoyo bazali na bomoi.

—Rom. 14:9

Matayo 25:32

Bakosangisa bato nyonso liboso na ngai, Mwana ya Moto. Nakokabola bango lokola mobokoli ya bameme akabolaka bameme na bantaba.

Misala 10:42

Yezu atindaki biso mpo tóteya bato mpe tósakola 'tè ye azali moto oyo Nzambe atiaki mpo na kosambisa bato bazali na bomoi mpe bato bakufá.

Rom. 14:10

Yo, mpo na nini olobaka 'tè ndeko na yo asali mabe? Mpo na nini ozali komonela ndeko na yo? Mokolo ezali, biso nyonso tokosamba na miso ya Nzambe.

Yoane 5:22

Tata asambisaka moto té; kasi apesi bokonzi nyonso na Mwana, mpo ásambisa bato.

Rom. 2:16

Makambo yango ekomonana polele, mokolo Nzambe akobimisa sekele ya bato, mpe akotinda Yezu Kristu mpo na kosambisa bango. Wana nde Nsango Malamu oyo nasakolaka.

2 Tim. 4:1

Nasengi yo na miso ya Nzambe mpe ya Yezu Kristu oyo akosambisa bato ya bomoi na baoyo bakufá; mpamba té mokolo ezali, ye akoya mpe akozwa bokonzi.

Luka 19:10

Ngai Mwana ya Moto nayei koluka mpe kobikisa bato oyo babungaki.

Ebreo 7:25

Akoki kobikisa libela baoyo balekaka epai na ye mpo na kopusana penepene ya Nzambe; mpamba té akoumela seko na bomoi mpo álobela biso.

1 Kor. 1:30

Ezali Nzambe moto asangisi bino na Yezu Kristu. Kristu apesi biso mayele oyo euti na Nzambe; akómisi biso bato ya bosembo mpe ya bosantu, alongoli biso na boumbu.

Yoane 10:9

Ngai nazali lokola monoko ya lopango ya bameme. Moto oyo akotaka epai na ngai, akobika. Akokoka kokota mpe kobima, mpe akozwa bilei.

Yoane 14:6

Ngai nazali nzela, nayeli bato makambo ya solo, napesaka bomoi. Moto moko té akoki kokende epai ya Tata, soki aleki epai na ngai té.

Misala 4:12

Bobele ye akoki kobikisa bato, mpamba té na mokili mobimba moto mosusu azali té oyo Nzambe apesá na bato mpo ábikisa biso.

Lokola Nzambe akómisi Kristu moto ya kokoka, ye akómi Mobiči ya seko mpo na baoyo nyonso batosaka ye. —Ebreo 5:9

(Kuna na likolo) bayembi nze-mbo moko ya sika: Yo okoki mpo ózwa buku, mpe óbuka bilembo oyo ekangisi yango. Mpamba té babomaki yo, bongo na makila na yo osombelaki Nzambe bato bauti na mabota nyonso, na minoko nyonso, na mikili nyonso mpe na bikolo nyonso. —Yebisa 5:9

Bopesa Tata mersi na esengo! Ye abongisaki bino, mpo bino mpe bázwa bomengo oyo abombeli basantu na ye, na mboka na ye ya

moi. Ye asi'alongolá biso na boumbu ya molili, mpe akómisa biso bato ya Bokonzi ya Mwana na ye ya bolingo. Mpo na ye tozwi bonsomi, mpamba té Nzambe alimbiši masumu na biso.

—Kolos. 1:12-14

Ya solo, soki bondimi té 'tè NGAI NAZALI, bokokufa na masumu na bino. —Yoane 8:24

Ye moko amipesaki mpo na biso, mpo álongola biso na mabe nyonso; bongo akómisa biso bato na ye mpenza, oyo bazali mitema pembe mpe batiaka molende mpo na kokokisa misala ya malamu.

—Tito 2:14

Rom. 5:9

Sikoyo mpo na liwa ya Kristu, tosi'tokómi bato ya bosembo na miso ya Nzambe. Yango wana toyebi malamu 'tè Kristu akobikisa biso mokolo Nzambe akolakisa nkanda na ye.

Ebreo 9:14

Makila ya Kristu eleki mpenza na nguya mpo na kokómisa biso bato malamu. Na nguya ya Molimo ya seko, Kristu amipesaki na Nzambe, azalaki likabo ya kokoka. Bongo mpo na makila na ye akokómisa mitema na biso pembe, mpe akobikisa biso na misala ya mpamba, mpo tósalela Nzambe ya bomoi.

1 Yoane 1:7

Soki tozali kotambola na moi lokola Nzambe ye moko azalaka na moi, biso nyonso tosanganá na lisanga moko, mpo Nzambe alimbisá biso mpe alongolá masumu nyonso mpo na makila ya Mwana na ye Yezu.

1 Pieire 1:18-19

Boyebi eloko nini Nzambe afutaki mpo na kolongola bino na bizaleli ya mpamba-mpamba oyo bankoko batikelaki bino. Ezali eloko oyo ebebaka lokola mbongo té; kasi eloko ya ntalo ya solo mpenza, ezali nde makila ya Kristu. Ye azali lokola mwana-meme oyo ezangi mabe nyonso.

Yoane 6:28-29

Bato batunaki Yezu: Tósala nini mpo na kokokisa misala oyo Nzambe alingaka? Yezu azongiseli bango: Mosala Nzambe alingaka, yango oyo: Bóndima moto oyo ye atindaki.

Rom. 5:1

Lokola tokómi bato ya bosembo mpo na bondimi, sikoyo boboto ezali na kati na biso na Nzambe, mpo na Nkolo na biso Yezu Kristu.

Efezo 2:8-9

Bobiki mpo na bolamu ya Nzambe, na nzela ya bondimi. Kobika wana euti na bino té, kasi

Nzambe moto apesi bino yango. Euti na misala na bino té, yango wana moto moko akoki komikumisa té.

Galat. 5:6

Soki moto azali na lisanga na Yezu Kristu, ata akatisi nzoto to akatisi té, ezali likambo té. Kasi likambo eleki ntina ezali kondima, kosala makambo nyonso na bolingo.

Yoane 20:31

Makambo oyo ekómami mpo bino bónidima 'tè Yezu azali Mesia, Mwana ya Nzambe. Soki bondimi boye, bokozwa bomoi ya seko na nkombo na ye.

Nzembo 103:11

Ndenge likolo ezali mosika na mabelé, se ndenge wana mpe bolingo ya Nkolo ezali molai mpo na bato oyo batosaka ye.

Mika 7:18

Nzambe nani akokani na yo, Nkolo? Yo olimbisaka masumu ya bato na yo oyo batikalá. Obomba-ka nkanda seko té, kasi osepela-ka kolakisa bolingo na yo.

Tito 3:5

Abikisaki biso té mpo tokoki-saki misala ya bosembo, kasi mpo ye ayokelaki biso mawa. Ntango basukolaki biso na mai, tobota-maki mbala ya mibale mpe to-

kómakí bato ya sika, na nguya ya Molimo Mosantu.

Lela 3:22-23

Bolamu mpe bolingo ya Nkolo esili té, ezalaka na nsuka té. Ntongo nyonso ezalaka ya sika. Bosembo na ye ezali monene.

Nzembo 108:5

Bolingo na yo eleki likolo mo-sika, mpe bolamu na yo eleki ma-pata mosika.

Nzembo 103:17

Bolamu mpe bosembo ya Nkolo ezali banda kala mpo na bato oyo batosaka ye; ekozala bongo seko mpo na bana na bango, mpe mpo na bana ya bana na bango.

Yezaya 1:18

Nkolo alobi: Bóya, tósamba.
Soki mitema na bino ekómi moi-
ndo tuu mpo na masumu, nakosu-
kola yango ékóma pembe mpenza.

Yezaya 55:1

Bino nyonso bato bozali na
mposa ya mai, bóya; mai ezali!
Ata bozali na mbongo té, bóya!
Bóya kozwa biloko, bólia. Bóya
komela masanga mpe miliki; bo-
kozwa yango ya ofele.

Yebisa 22:17

Namoni Eklezya ezali lokola
mwasi oyo amilengeli mpo na li-
bala. Molimo ya Nzambe mpe
Eklezya balobi: “Yaka!” Moto

nyonso oyo ayoki mposa ya mai
áya; mpe moto nyonso oyo alingi
komela, ázwa mai ya bomoi ya
ofele.

Yoane 7:37-38

Yezu alobi na bato: Moto oyo
azali na mposa ya mai, áya
komela epai na ngai. Bakómá na
Mikanda ya Nzambe: Moto oyo
akondima ngai, mai ya bomoi
ekobima na motema na ye lokola
ebale.

Matayo 11:28

Bóya epai na ngai, bino nyonso
oyo bozali komona mpasi mpe bo-
lembi na mikumba; nakosalisa
bino mpo bókoka kopema.

Bato mosusu bayambaki ye mpe bandimaki ye; apesaki bango nzela ya kokóma bana ya Nzambe.

—Yoane 1:12

Baoyo nyonso batambolaka na Molimo ya Nzambe, bazali bana ya Nzambe. Mpo Molimo ya Nzambe oyo bozwi, akómisá bino baumbu té mpe abangisaka bino lisusu té; kasi Molimo yango akómisá bino bana ya Nzambe, mpe apesaka biso nzela ya kobenga Nzambe: “Tata na ngai.”

—Rom. 8:14-15

Tala ndenge tokoki koyeba 'tè bana ya Nzambe mpe bana ya Santana bakeseni: moto nyonso oyo aboyaka kosala makambo ya bo-

sembo to alingaka ndeko na ye té, azali mwana ya Nzambe té.

—1 Yoane 3:10

Bótika baoyo bandimaka té, mpe bólóngwa na kati na bango. Bósimba eloko ya mabe té, bongo ngai nakoyamba bino. Nkolo ya nguya nyonso alobi: Ngai nakoza Tata na bino, mpe bino bokozala bana na ngai ya mibali na ya basi.

—2 Kor. 6:17-18

Bómema ngambo moko té, mpe bósala mabe moko té. Bongo bokokóma bana ya Nzambe ya malonga, na kati ya bato ya lokuta mpe ya mabe ya mokili oyo.

—Filipi 2:15

Mawa na bino! Na ntongo-ntongo bokoteli komela masanga ya makasi; tee na butu bozali kaka kobenda kopo! —Yezaya 5:11

Kotala vinu té mpo na motane na yango, ata ezali komonana kitoko na kopo, mpe ekitaka na malembe nyonso na mongongo. Mpamba té nsuka-nsuka eswaka lokola nyoka.

—Toli ya Bakolo 23:31-32

Tózala na bizaleli ya malamu, lokola bato basalaka na moi. Tótika lokoso mpe kolangwa masanga, kindumba na makambo ya nsoni; koswana té, zuwa té. Kasi

bómilakisa lokola bato ya Nkolo Yezu Kristu, mpe bótika makansi ya kosepelisa mposa ya bomoto na bino. —Rom. 13:13-14

Toyebi malamu makambo mposa ya bomoto etindaka: kindumba, makambo ya nsoni mpe misala ya mabe, kosambela banzambe ya bikeko, koyinana, koswana, kotiana ntembe, kokabwana, koboyana, kolangwa masanga, lokoso ya mabe, kindoki, zuwa, nkanda, likunya, mpe makambo mosusu ya ndenge wana. Nazali koyebisa bino, lokola nalobaki yango liboso: baoyo basalaka bongo, bakozala bato ya Bokonzi ya Nzambe té. —Galat. 5:19-21

TOLANDA KAKA MAKANISI YA MITEMA NA BISO MOKO TE

Marko 22:17-22

Moto moko afukamaki liboso ya Yezu mpe atuni: "Moteyi malamu, násala nini mpo názwa bomoi ya seko?" Yezu alobi na ye: "Mpo na nini obengi ngai moto malamu? Moto malamu azali té, kaka Nzambe ye moko. Oyebi Mibeko: Koboma moto té; kotambo-la na mwasi to na mobali ya bato té; bótosa batata na bamama na bino." Moto wana azongiseli ye: "Moteyi, natosaka mibeko yango nyonso banda bomwana na ngai." Yezu atali ye na bolingo mpe alobi: "Ozangisi kaka eloko

moko; kende kotekisa biloko na yo nyonso mpe kabela bato ba-kelelá mbongo. Wana nde oko-zala na bomengo na Likolo; nsima óya kolanda ngai." Kasi ntango moto yango ayoki maloba wana, akei na mawa na motema, mpamba té azalaki na bomengo mingi koleka.

Matayo 10:37-38

Yezu alobi: Linga Nkolo Nzambe na yo na motema na yo mobimba, na bomoi na yo mobimba, mpe na mayele na yo nyonso. Wana ezali mobeko ya liboso oyo eleki monene.

Efezo 5:6

Moto moko ákosa bino té na maloba ya mpamba. Mpo na biza-leli na bango ya mabe, nkanda ya Nzambe ekweyelaka bato oyo batosaka ye té.

1 Kor. 6:9-10

Bómikosa té! Bato oyo basa-laka makambo ya nsoni, to baoyo basambelaka bikeko, to baoyo ba-salaka kindumba, to mibali oyo balalaka baninga na bango mi-bali, to bamiyibi, to baoyo ba-zali na lokoso ya mbongo, to baoyo bafingaka baninga, to ba-ojo babotolaka biloko ya bato: bango nyonso bakokóma bato ya Bokonzi ya Nzambe té.

Yakobi 1:22

Bómikosa té! Bótosa maloba ya Nzambe, kasi bójoka yango mpamba té.

Galat. 6:3

Soki moto akanisi 'tè akómi moto monene, nzokande azali moto ya mpamba, azali komikosa ye moko.

1 Yoane 3:7-8

Bana na ngai, moto ákosa bino té! Moto oyo asalaka makambo ya bosembo azali moto ya bose-mbo, lokola Yezu Kristu ye moko azali moto ya bosembo. Moto oyo asalaka masumu azali moto ya Satana, mpamba té uta na eba-n-deli Satana asalaka masumu.

Rom. 5:12

Masumu ebandaki na mokili mobimba mpo na moto se moko Adamo, mpe liwa ebandaki mpo na masumu. Ndenge wana, bato nyonso basengeli kokufa, mpo bango nyonso basali masumu.

Yebisa 21:8

Baoyo bakangaka mitema té, bazangi bondimi, basalaka makambo ya nsoni ndenge na ndenge, babomaka baninga, basalaka kindumba, bazali bandoki, basambelaka bikeko, mpe bato nyonso ya lokuta, esika na bango nyonso ekozala na laki oyo ezali kopela móto elongo na fofolo. Yango nde Liwa ya mibale.

Yakobi 1:15

Mposa ya mabe ebimisaka masumu; mpe ntango masumu eyaka mingi, ememaka liwa.

Rom. 8:6

Makambo ya bomoto ememelaka bato liwa; kasi Molimo ya Nzambe amemelaka bato bomoi mpe boboto.

Ezek. 18:20

Moto oyo asali masumu, ye moko moto akokufa. Mwana akomema masumu ya tata na ye té, mpe tata akomema masumu ya mwana na ye té. Moto ya bosembo akobika mpo na bosembo na ye, mpe moto ya mabe akokufa mpo na mabe na ye.

Yoane 10:17-18

Tata alingi ngai, mpo nakopesa bomoi na ngai mpe nakozwa yango lisusu. Moto moko té akobotola bomoi na ngai, kasi ngai moko nakopesa yango na bolingo na ngai. Nazali na nguya ya kopesa yango, mpe ya kozwa yango lisusu. Tata atindaki ngai násala ndenge wana.

Yoane 11:43-44

Yezu agangaki na mongongo makasi: Lazare, bima! Moto oyo akufaki, abimi, makolo na maboko ezalaki ya kokangama, mpe elongi na ye elingamaki na elamba. Yezu alobi na bango:

Bófungola ye, mpe bótika ye átambola.

Luka 7:14-15

Yezu apusanaki mpe asimbaki sanduku ya ebembe. Bato oyo bazalaki komema yango batelemi. Yezu alobi: Elenge mobali, nalobi na yo: Telema! Moto oyo akufaki afandi mpe abandi koloba. Bongo Yezu alobi na mama na ye: Kamata mwana na yo.

Yebisa 1:18

Nazali na bomoi. Nakufaki, kasi sikoyo nazali na bomoi ya seko. Nazali mokonzi ya liwa mpe ya mboka ya bato bakufá.

Deteron. 5:7-21

Kokumisa banzambe mosusu té, bobele ngai.

Kosala bikeko té... kofukamela banzambe ya ndenge wana té... mpamba té ngai, Nkolo, Nzambe na bino, nazali Nzambe moko ya zuwa.

Kotanga nkombo ya Nkolo, Nzambe na bino, na makambo ya mabe té...

Bótosa Mokolo ya Kopema, bókómisa yango mokolo ya bosantu, lokola Nkolo, Nzambe na bino atindi bino. Bósala misala na bino nyonso na kati ya mikolo motoba, kasi mokolo ya nsambo ezali

Mokolo ya Kopema ya Nkolo, Nzambe na bino.

Bótosa batata na bamama na bino... mpo 'tè bázwa bomoi molai mpe bomengo na mokili oyo Nkolo, Nzambe na bino apesi bino.

Koboma moto té.

Kotambola na mwasi to na mobali ya bato té.

Koyiba té.

Kokosela moto makambo té.

Kolula eloko ya moto té: ézala mwasi na ye, ézala ndako na ye to bilanga na ye, ézala mosali na ye ya mobali to ya mwasi, ézala ngombe na ye to mpunda na ye.

Toli ya Bakolo 15:3

Nkolo amonaka nyonso! Atala-
ka bato ya mabe na bato ya
malamu.

Yobi 34:21-22

Nzambe amonaka ezaleli ya
moto nyonso, atiaka miso na eta-
mboli ya moto nyonso. Esika
moko ya molili ezali té, oyo bato
mabe bakoki kobombana.

Nzembo 139:12

Soki namati na likolo, nakuti yo
kuna; soki nakiti na mboka ya
bato bakufá, yo ozali kuna. Mpo
na yo, butu ezali molili té, ezali
kaka kongenga ndenge moko lo-
kola moi.

Yerem. 23:24

Nkolo alobi: Soki moto abo-
mbani ata wapi, ngai nakomona
ye kaka! Boyebi té 'tè nazali bipai
nyonso, ézala na likolo to na nse?

Misala 17:27

Nzambe asali nyonso mpo bato
báluka ye, lokola bato bakufá
miso balukaka esika ya kosimba.
Kaka bongo mbala mosusu bako-
yeba ye, mpo azali mosika té na
moto na moto na kati na biso.

Luka 8:17

Makambo nyonso oyo ebomba-
ná, ekomonana; mpe sekele nyo-
nso ekoyebana polele.

22 BATO YA MABE BAKOZWA ETUMBU YA SEKO

2 Pieire 3:7

Mpo na maloba na ye, Nzambe azali kotika naino likolo mpe mokili tee ntango akoboma yango na móto. Yango esengeli kotikala tee mokolo Nzambe akokatela bato ya mabe etumbu mpe aksilisa bango.

Nzembo 9:18

Zongisa bato ya mabe na mokili ya bato bakufá! Silisa bikolo oyo ebosani yo, Nzambe!

Matayo 13:41-42

Mwana ya Moto akotinda banzelu na ye. Bato nyonso oyo bakweisaka baninga na masumu, mpe baoyo basalaka mabe, bakolongola bango na kati ya bato oyo

balingi kokóma bato ya Bokonzi na ye. Bongo bakobwaka bango na fulu monene ya móto. Kuna bakolela mpe bakolia mino.

Matayo 18:8

Soki loboko na yo to lokolo na yo ekweisaka yo na masumu, kata yango mpe bwaka yango mosika. Ebongi malamu ókota na mboka ya bomoi ata ozangi loboko to lokolo; soki té bakobwaka yo na lifelo, ata ozali na maboko to na makolo nyonso mibale.

Matayo 25:46

Bato ya mabe bakozwa etumbu oyo esilaka té; kasi bato ya malamu bakozwa bomoi ya seko.

Rom. 14:12

Moto na moto na kati na biso akosamba na miso ya Nzambe mpo na makambo na ye moko.

2 Pieire 2:9

Nkolo ayebi ndenge nini akoki kobikisa bato na ye na ntango ya mpasi, mpe ndenge nini akoki kotika naino bato ya mabe mpo ápesa bango etumbu, mokolo akosambisa bato.

1 Yoane 4:17

Nzambe akokisaka bolingo oyo ezali na mitema na biso, mpo tózala na molende, mokolo ye akosambisa bato. Mpamba té bomoi na biso awa na nse ekokani na oyo ya Yezu Kristu.

Ebreo 9:27

Moto nyonso asengeli kokufa mbala moko libela; bongo na nsima Nzambe akosambisa ye.

Misala 17:31

Nzambe atii mokolo oyo akosambisa bato ya mokili mobimba na bosembo. Asi'aponi moto oyo akosambisa bango, mpe amonisi nguya na ye na bato nyonso, ntango asekwisaki ye.

2 Kor. 5:10

Biso nyonso tosengeli kosamba liboso ya Kristu, mpo moto na moto ázwa oyo ekoki na ye, soki azalaki kosala malamu to mabe na bomoi na ye awa na nse.

Rom. 9:16

Kopona oyo Nzambe aponaka etali makambo moto alingi to asali té, kasi etali bobele Nzambe oyo ayokelaka bato mawa.

2 Kor. 8:9

Boyebi bolamu ya Nkolo na biso Yezu Kristu: Ye azalaki na bomengo, kasi akómaki kokelela mpo na bino, na ntina 'tè bótala na bomengo mpo na kokelela na ye.

Rom. 5:15

Makabo ya ofele oyo Nzambe apesi, ekeseni na mabe oyo Adamo asalaki. Ya solo, bato nyonso basengeli kokufa mpo na

mabe ya moto se moko. Kasi bolamu ya Nzambe eleki mpenza na ntina, mpe makabo ya ofele oyo Nzambe apesi bato nyonso na lisalisi ya moto se moko Yezu Kristu, yango eleki mpenza monene.

Misala 4:33

Nzambe azalaki kopesa nguya monene na bantomá mpo na kosa-kola kosekwa ya Nkolo Yezu, mpe bolamu na ye ezalaki mingi na bango nyonso.

2 Kor. 9:15

Mersi na Nzambe mpo na likabo ya monene mpenza oyo maloba na biso ekoki kolimbola té!

Matayo 3:2

Yezu alobaki: Bóbongola mitema mpo Bokonzi ya Likolo elingi koya.

Luka 13:3

Nalobi na bino: soki bobongoli mitema té, bino nyonso bokokufa.

Misala 3:19

Bóbongola mitema mpe bózongela Nzambe, mpo álimbisa bino masumu.

Misala 2:38

Piere azongiseli bato: Bóbongola mitema, mpe moto na moto na kati na bino ázwa batisimu na nkombo ya Yezu Kristu, mpo

Nzambe álimbisa bino masumu. mpe ákabela bino Molimo Mosantu.

2 Kor. 7:10

Nzambe asalaka 'tè mpasi ébongola motema ya moto mpo ábika. Bongo ntina ya koyoka mawa ezali té. Kasi soki moto atalaka Nzambe té na ntango ya mpasi, mpasi yango ememaka liwa.

Misala 17:30

Ntango bato bazalaki koyeba ye té, Nzambe azalaki kotala yango mpamba; kasi sikoyo azali kobenga bato nyonso ya mokili mobimba mpo bábongola mitema.

Ezek. 18:21

Soki moto ya mabe atiki masumu nyonso oyo asalaki, soki akómi kotosa mibeko na ngai mpe kolanda bosembo, ya solo akobia, akokufa té.

Yebisa 3:19-20

Bóyoka! Ngai natelemi liboso ya porte mpe nazali kobeta; soki moto ayoki mongongo na ngai mpe soki afungoli porte, nakokota na ndako na ye; bongo biso na ye tokolia esika moko.

Yezaya 55:7

Moto ya masumu átika nzela na ye, mpe ábongola makanisi na ye. Azonga epai ya Nkolo, ye ako-

yokela ye mawa; áya epai ya Nzambe na biso, ye alembaka kolimbisa té.

Matayo 6:14

Soki bolimbisaka baninga mabe oyo basalaka bino, Tata na bino ya Likolo akolimbisa mpe bino.

Marko 2:5

Ntango Yezu amoni bondimi na bango, alobi na moto akufá makolo: Mwana na ngai, Nzambe alimbisi masumu na yo.

Misala 5:31

Nzambe atii Yezu na esika ya lokumu penepene na ye, ázala Mokonzi mpe Mobikisi, mpo bato ya Israele bábongola mitema mpe bázwa bolimbisi ya masumu.

Yezaya 1:16

Bómisukola, bómibongisa, bólongola misala na bino ya mabe na miso na ngai; bótika kosala mabe.

Kolos. 3:2

Bótia makanisi na bino na makambo ya Likolo, kasi na oyo ezali awa na nse té.

1 Yoane 2:15-16

Bólinda makambo ya mokili oyo té. Soki moto alingi makambo ya mokili, akoki kolingga Tata Nzambe té. Mpamba té makambo nyonso ya mokili oyo, mposa mabe ya mitema ya bato, kolula biloko oyo emonanaka na miso,

mpe bomengo oyo epesaka bato lofundu, yango nyonso eutaka na Tata té kasi etali kaka mokili.

Efezo 5:11

Bósangana té na bato oyo basalaka makambo ya mpamba, batambolaka na molili. Kasi bómoinisa mabe na bango na miso ya bato.

Tito 2:11-12

Nzambe alakisaki bato nyonso bolamu na ye oyo ebikisi bango. Ye alakisaki biso 'té tótika bizaleli ya mabe mpe makanisi ya mokili mpo tómibatela, tózala bato ya malamu mpe ya bosembo na miso na ye awa na nse.

Ezek. 36:26

Nakopesa bino motema ya sika mpe nakotia bino makanisi ya sika. Nakolongola bino motema ya libanga, mpe nakopesa bino motema ya bomoto.

Yoane 3:3

Yezu alobi na Nikodeme: Nazali koloba na yo ya solo: soki moto abotami mbala ya mibale té, akoki kozala moto ya Bokonzi ya Nzambe té.

1 Yoane 5:18

Toyebi 'tè moto oyo azali mwana ya Nzambe asalaka masumu té, mpo Mwana ya Nzambe abatelaka ye, mpe Monguna akoki kosala ye mabe té.

1 Piere 1:23

Bino bobotamá mbala ya mibale; bozwi bomoi ya seko oyo ekobeba té. Ezali Maloba ya Nzambe moto eboti bino; yango ezali na bomoi mpe ekoumela seko.

1 Yoane 2:29

Boyebi 'tè Kristu azali moto ya bosembo; bongo bosengeli koyeba 'tè moto nyonso oyo asalaka makambo ya bosembo azali mwana ya Nzambe.

2 Kor. 5:17

Soki moto azali na lisanga na Kristu, akómi moto ya sika. Makambo na ye ya kala esili, makambo ya sika ekoteli ye.

NA MAKAMBO ETALI MASUMU, TOSI'TOKUFA 29 TOZWI LISUSU BOMOI, ELONGO NA KRISTU

Mpo na makambo eyo etali masumu, tosi'tokufá. Ndenge nini tokoki kolanda lisusu masumu? Bino mpe ndenge moko: mpo na makambo etali masumu, bóloba 'tè bosí'bokufá, mpe bozali na bomoi mpo na Nzambe, lisanga na Yezu Kristu. —Rom. 6:2. 11

Kristu ye moko amemaki masumu na biso na nzoto na ye mpe amipesá na Ekuruze. Asalaki bongo mpo tókoma lokola bato bakufá na makambo oyo etali masumu, kasi tózala na bomoi mpo na makambo ya bosembo.

Bino bobiki mpo ye azokaki bamputa. —1 Piere 2:24

Bosi'bosekwi elongo na Kristu. Yango wana bóluka makambo ya Likolo. Kuna Kristu afandi na esika ya lokumu na loboko ya mobali ya Nzambe. Bótia makani ni na bino na makambo ya Likolo, kasi na oyo ezali awa na nse té. —Kolos. 3:1. 2

Kala, bozalaki lokola bato bakufá mpo na mabe mpe masumu bosalaki... Nzambe asekwisi biso lisanga na Yezu Kristu, mpe afandisi biso esika moko na ye, na Likolo. —Efezo 2:1. 6

Yoane 3:14. 15. 36

Ndenge Moize atombolaki ekeko ya nyoka na likolo ya nzete kuna na esobe, se ndenge wana mpe basengeli kotombola Mwana ya Moto, mpo moto nyonso oyo akondima ye ázwa bomoi ya seko. . . Moto oyo akondima Mwana, akozwa bomoi ya seko; oyo akotosa Mwana té, akozwa bomoi ya seko té, kasi akotikala seko na etumbu ya Nzambe.

Rom. 6:23

Lifuta oyo bazwaka mpo na masumu ezali liwa; kasi makabo ya ofele oyo Nzambe apesaka ezali bomoi ya seko na lisanga ya Nkolo na biso Yezu Kristu.

Yoane 5:24

Nazali koloba na bino ya solo Moto oyo ayokaka maloba na ngai, mpe andimelaka moto oyo atindaki ngai, azali na bomoi ya seko. Bakokatela ye etumbu té, kasi asi'alongwe na liwa mpe azwi bomoi ya seko.

Galat. 6:8

Soki moto atosaka mposa ya motema na ye, ezali lokola akoni biloko ya mabe; akozwa mbuma oyo ebimaka na motema ya moto: akokufa seko. Soki moto atosaka Molimo ya Nzambe, ezali lokola akoni biloko ya malamu; akozwa mbuma oyo Molimo apesaka: yango nde bomoi ya seko.

Galat. 4:6

Ya solo, bozali bana na ye mpenza. Mpamba té Nzambe atindi na kati ya mitema na bino Molimo ya Mwana na ye oyo agangaka: “Tata!”

Yoane 14:21

Moto oyo ayebi mibeko na ngai mpe atosaka yango, ye nde moto alingi ngai. Tata na ngai akolingga moto oyo alingaka ngai; ngai mpe nakolina ye, mpe nakominisa na ye.

1 Yoane 3:18-19

Bana na ngai, bolingo na biso esengeli kozala bobele likambo ya maloba to ya monoko té; kasi

esengeli komonana na misala na biso mpe na makambo ya solo. Yango ezali kolakisa ndenge nini tolandaka makambo ya solo. Elakisi mpe ndenge nini tokoki kokitisa mitema na miso ya Nzambe.

1 Yoane 4:13

Toyebi 'tè tozali elongo na Nzambe mpe ye azali elongo na biso, mpo asi'apesi biso Molimo na ye.

Rom. 8:16

Molimo ya Nzambe asangani na milimo na biso mpo na koloba 'tè tozali bana ya Nzambe.

Nzembo 16:11

Olakisi ngai nzela ya bomoi. Nantondi na esengo epai na yo; opesi ngai lokumu mpe bomengo ya seko.

Yoane 17:13

Sikoyo nazali koya epai na yo, Tata. Nazali koloba makambo oyo ntango nazali awa na mokili, mpo bázala na esengo na ngai, mpe bátonda na yango.

Rom. 14:17

Bokonzi ya Nzambe etali likambo ya kolia to ya komela té, kasi etali makambo ya bosembo, ya boboto mpe ya esengo oyo Molimo Mosantu apesaka.

Yezaya 12:3

Na esengo nyonso bokotoka mai, na maziba oyo epesaka bomoi.

Yoane 15:11

Nalobi na bino bongo mpo esengo na ngai ézala na mitema na bino, mpe bótonda na yango.

Galat. 2:20

Ngai Polo nazali lisusu na bomoi té. Kasi ezali Kristu moto azali na bomoi na kati ya nzoto na ngai. Bomoi oyo nazali na yango sikoyo ezali mpo nandimeli Mwana ya Nzambe oyo alingaka ngai mpe amipesaki mpo na ngai.

Deteron. 11:26-28

Tala, natii lelo liboso na bino mapamboli mpe lisumá. Mpamba té napesi bino lelo mibeko ya Nkolo, Nzambe na bino. Bokozwa mapamboli soki botosi yango; soki té bokozwa lisumá.

1 Sam. 12:15

Soki boboyi koyoka maloba ya Nkolo, soki botosi mibeko na ye té, Nkolo akobalukela bino, ndenge abalukelaki bankoko na bino.

Rom. 6:16

Boyebi malamu 'tè soki bomipesi na moto moko mpo na kosalela ye, bokómi baumbu ya moto

oyo bozali kotosa. Soki bokómi baumbu ya masumu, liwa ezali kozela bino. Soki botosaka Nzambe, bokokóma bato ya bosembo na miso na ye.

2 Tesal. 1:7-8

Bino bato bozali komona mpassi, Nzambe akosalisa bino mpo bokoka kopema, ná biso lokola. Akosala bongo ntango Nkolo Yezu akomonana na Likolo, elongo na baanzelu na ye ya nguya, na kati ya móto ezali kopela makasi, mpo na kopesa etumbu na bato oyo bayebi Nzambe té mpe baboyi kotosa Nsango Malamu ya Nkolo na biso Yezu.

34 TOSENGELI KOLAKISA 'TE TONDIMI KRISTU

Matayo 10:32-33

Moto nyonso oyo akondima ngai na miso ya bato, ngai mpe nakondima ye na miso ya Tata na ngai ya Likolo. Kasi moto oyo akowangana ngai na miso ya bato, ngai mpe nakowangana ye na miso ya Tata na ngai ya Likolo.

Filipi 2:11

Na Likolo mpe na nse, básakola 'tè: Yezu Kristu azali NKOLO, mpo ápesa lokumu na Nzambe Tata.

Luka 9:26

Soki moto azali koyoka nsoni mpo na ngai mpe mpo na maloba na ngai, ngai Mwana ya Moto

nakoyoka mpe nsoni mpo na ye, ntango nakoya na lokumu na ngai, mpe na lokumu ya Tata, na ya baanzelu ya Nzambe.

Rom. 10:9-10

Soki osakoli na miso ya bato 'tè Yezu azali Nkolo, mpe ondimi na motema 'tè Nzambe asekwisi ye, okobika. Mpamba té soki ondimi na motema, Nzambe akokómisa yo bosembo. Soki osakoli yango na miso ya bato, Nzambe akobikisa yo.

1 Yoane 2:23

Moto oyo awangani Mwana, awangani mpe Tata. Moto oyo andimelaka Mwana, andimelaka mpe Tata.

Lokola soda amemaka bibundeli na ye, bino bökamata bibundeli nyonso oyo Nzambe apesaka, mpo 'tè Sataná ákweisa bino té na mayele na ye ya mabe.

—Efezo 6:11

Mobebisi akoya na nguya ya Sataná, akosala makamwisi, bilembo mpe makambo minene ya lokuta ya ndenge na ndenge.

—2 Tesal. 2:9

Molimo Mosantu amemaki
Yezu na esobe ya zelo mpo zabolo áme ka ye. Bongo Yezu alobi na ye: Sataná, longwa! Mpamba té ekòmamá na Mikanda: Sambela Nkolo Nzambe na yo, mpe salela bobele ye. Nsimá zabolo atiki

Yezu; baanzelu bayei epai na ye mpe babandi kosalela ye.

—Matayo 4:1. 10. 11

Nzambe ayebisi Polo 'tè: ófungola bango miso mpo báboya molili mpe báya epai ya moi; báboya bokonzi ya Sataná mpe báya epai na ngai, Nzambe; bándimela ngai mpo bázwa bolimbisi ya masumu mpe bákamata esika na kati ya bato na ngai.

—Misala 26:18

Bófungola miso mpe bázala ekenge! Mpamba té monguna na bino Sataná azali kotambolatambola lokola ntambo oyo ezali koganga mpe koluka moto ya kolia.

—1 Piere 5:8

2 Tesal. 2:8

Ntango Mobebisi akomonana,
Nkolo Yezu akoboma ye na
mpema ya monoko na ye, mpe
akolimwisa ye na nguya ya koya
na ye.

Yakobi 4:7-8a

Bótosa Nzambe; bázala bangu-
na ya Satana mpe ye akokima
bino mpenza mosika. Bópusana
penepene ya Nzambe mpe ye
akoya penepene na bino.

Rom. 8:35. 37

Eloko nini ekoki kokabola biso
na bolingo ya Kristu? Ata eloko
moko té; ézala mpasi to mawa to
monyokoli, to nzala to kokelela, to

likama to liwa. Kutu na kati ya
makambo nyonso wana tolongaka
mpenza na nguya ya Nzambe oyo
alingaka biso!

Ebreo 2:14

Lokola bana ya Nzambe bazali
bato, bongo ndenge moko mpe
Yezu akómaki moto. Asalaki
bongo mpo 'tè na liwa na ye
ásilisa nguya ya Satana oyo azali
na bokonzi ya liwa.

1 Yoane 3:8

Moto oyo asalaka masumu azali
moto ya Satana, mpamba té uta
na ebandeli Satana asalaka ma-
sumu. Mwana ya Nzambe ayaki
awa na nse bobele mpo na koboma
misala ya Satana.

Yoane 13:35

Soki bino bolingani, bato nyonso bakoyeba 'tè bozali bayekoli na ngai.

Yoane 21:16

Yezu atuni Pierre mbala ya mibale: Simoni, mwana ya Yoane, olingaka ngai? Azongiseli ye: Ee, Nkolo, yo oyebi 'tè nalingaka yo. Yezu alobi: Batela bameme na ngai.

Galat. 5:22-23a

Makambo bato basalaka na nguya ya Molimo yango oyo: balanganaka; bazali na esengo mpe kimia; bakangaka mitema; basalisanaka; bazali na mitema

malamu mpe na bondeko ya solo; bazali na boboto mpe bami-batelaka malamu.

1 Kor. 13:1

Ata nayebi koloba minoko nyonso ya bato to ya baanzelu, kasi nazangi bolingo na motema, nazali lokola mbunda oyo etiaka makelele, to ngonga oyo ebetaka mpamba.

1 Yoane 4:20

Soki moto alobi: "Nalingaka Nzambe", mpe ayinaka ndeko na ye, azali moto ya lokuta. Mpo moto oyo amonaka ndeko na ye na miso kasi alingaka ye té, ndenge nini akoki kolinga Nzambe oyo ye amoná naino té?

Rom. 4:25

Nzambe apesaki biso Yezu mpo ákufa likolo ya masumu na biso, mpe asekwisaki ye mpo ákómisa biso bato ya bosembo.

Yoane 20:26-28

Nsimba ya mposo moko, bayekoli bazalaki lisusu na ndako. Toma mpe azalaki na bango. Bakangaki baporte, kasi Yezu ayei kotelema na kati na bango mpe alobi: Boboto ézala na bino! Bongo alobi na Toma: Yaka na mosapi na yo awa, mpe tala maboko na ngai; yaka kotia loboko na yo na mopanzi na ngai.

Tika kotia ntembe, kasi ndima na motema. Toma azongiseli ye: Nkolo na ngai mpe Nzambe na ngai!

Misala 10:39-41

Biso tozali batemwe ya makambo nyonso oyo Yezu asalaki na mokili ya Bayuda mpe na Yeruzaleme. Bayuda babomaki ye na ekuruze. Kasi Nzambe asekwisaki ye na nsima ya mikolo mibale mpe apesi ye nguya ya komimonisa lisusu. Abimeli bato nyonso té, kasi bobele biso batemwe oyo Nzambe aponaki liboso. Kutu toliaki mpe tomelaki esika moko na ye, nsima ya kosekwa na ye.

2 Kor. 4:14

Nzambe oyo asekwisaki Nkolo
Yezu, akosekwisa biso elongo na
Yezu.

Rom. 6:3-5

Boyebi té 'tè biso nyonso tozwaki batisimo mpo tósangana na Yezu Kristu, tozwaki yango mpo tókufa lisanga na ye? Bongo na batisimo tosi'tokufá elongo na Kristu, mpe basi'bakundá biso elongo na ye. Esalamaki boye mpo ndenge Tata Nzambe asekwisaki Kristu na nguya na ye, biso mpe tólanda ezaleli ya bomoi ya sika. Mpamba té lokola tosi'tosangani na Kristu awa tokufi

ndenge ye akufaki, tokosangana mpe na ye ntango tokosekwa ndenge ye asekwaki.

Yoane 5:25. 28. 29

Nazali koloba na bino ya solo: Elaka ezali koya, mpe esi'ekoki, oyo bato bakufá bakoyoka mongongo ya Mwana ya Nzambe; mpe baoyo bakoyoka yango bakozwa bomoi. Bókamwa té; mokolo ezali, bato nyonso oyo bakundamá na simetiere bakoyoka mongongo na ye, mpe bakobima. Bato oyo basalaki malamu bakosekwa mpo na kozwa bomoi, kasi baoyo basalaki mabe bakosekwa mpo na kozwa etumbu na bango.

TOZALA BASANTU MPO NKOLO AZALI MOSANTU

Yezaya 35:8

Nkolo akosala nzela moko kuna, bakopesa yango nkombo “nzela ya bosantu”. Bato ya mabe bako-leka wana té; bobele bato oyo bakobika bakoki kolanda yango. Bazoba bakokoka kobungisa ban-go nzela té.

Matayo 3:11

Yoane Mobatisi alobi: Ngai nazali kobatisa bino na mai mpo bóbongola mitema. Kasi moto oyo akoya nsima na ngai akobatisa bino na Molimo Mosantu mpe na móto. Ye aleki ngai na makasi; nakoki kutu kolongola ye basa-pato té.

Luka 1:74-75

Alakaki 'tè akolongola biso na maboko ya banguna, mpo tótika kobanga; kasi tósalela ye na bosantu mpe na bosembo na miso na ye, mikolo nyonso tee na liwa.

2 Kor. 7:1

Bandeko na ngai ya bolingo, lokola Nkolo apesi biso bilaka wana, tólóngola makambo nyonso oyo ememaka mabe na nzoto to na motema. Bongo tótosa Nzambe mpe tómipesa mobimba na ye.

Ebr. 13:12

Yezu akufaki na libanda ya mboka, mpo álongola masumu ya bato na makila na ye moko.

TOZALA BASANTU MPO NKOLO AZALI MOSANTU

Efezo 1:4

Mpo na bolingo na ye, liboso 'tè mokili ésalama, Nzambe aponaki biso mpo tósangana na Kristu, bongo tózala bato na ye ya malonga na miso na ye.

1 Yoane 1:9

Soki tondimi 'tè tosalaka masumu, Nzambe azali moto ya bosembo mpe akokisaka bilaka na ye. Ye nde akolimbisa biso masumu.

1 Piere 1:2

Nzambe Tata aponaki bino bótoma bato na ye mpenza na lisalisi ya Molimo Mosantu, lokola akanaká banda kala, bongo

bótosa Yezu Kristu, mpo maki-la na ye élongola masumu na bino. Bózwa bolamu mpe boboto mingi mpenza!

1 Piere 1:15

Lokola Nzambe oyo abengi bino azali mosantu, bino mpe bosenge-li kozala basantu, na bizaleli na bino nyonso.

2 Tim. 2:21

Moto oyo aboyi makambo nyonso ya mabe, Nzambe akopesa ye misala ya lokumu, mpamba té moto yango akómi mobimba moto ya Mokonzi na ye; azali moto ya ntina mpe akoki mpo na kosala misala nyonso ya malamu.

Ezek. 36:27

Nakotia bino Molimo na ngai mpenza, nakotambwisa bino ndenge mibeko na ngai ezali kointa. Bokobatela mpe bokosalela bizaleli oyo napesaki bino.

Luka 11:13

Soki bino bato ya mabe boyebi kopesa biloko ya malamu na bana na bino, bongo Tata ya Likolo akopesa Molimo Mosantu té soki bosengi ye?

Misala 1:4b. 8a

Bózela likambo oyo Tata alakaki, oyo nalobelaki bino... Bokozwa nguya, ntango Molimo Mosantu akokitela bino, bongo bokozala batemwe na ngai.

Misala 13:52

Bayekoli batondaki na esengo mpe na Molimo Mosantu.

Rom. 8:9

Bino, bolandaka nzela ya bomoto té, kasi oyo ya Molimo, mpo Molimo ya Nzambe akotelá bino na mitema. Moto oyo azangi Molimo ya Kristu, azali moto na ye té.

Misala 4:31

Ntango basilisi kosambela, esika oyo basanganaki eningani. Bango nyonso batondi na Molimo Mosantu mpe babandi kosakola maloba ya Nzambe na molende nyonso.

BOLAMU YA KOKAMWA EZALI KOZELA BAKRISTU

43

Nkolo azali penepene ya bato oyo balembá. Abikisaka baoyo bazali lisusu na elikya té.

—Nzembo 34:19

Bókanga mitema na ntango ya mpasi. Yango ezali lokola soki tata apesi mwana etumbu; mpo Nzambe akamati bino lokola bana na ye.

—Ebreo 12:7

Bandeko ya bolingo, bókamwa té mpo na bampasi mingi oyo bozali komona, lokola 'tè likambo monene ezali koyela bino. Kasi bósepela mpo bozali komona mpasi elongo na Kristu. Na ndenge wana bokosepela mingi

koleka, ntango ye akomonana na lokumu. —1 Piere 4:12-13

Nkolo alobi boye: Ezali ngai moto nasalaki biloko oyo nyonso; yango nyonso ezali ya ngai. Natiaka miso na ngai epai ya moto oyo azali na mpasi, oyo ayokaka motema mawa mpe atosaka maloba na ngai.

—Yezaya 66:2

Nzambe akopangusa mai nyonso na miso ya bato na ye; liwa ekozala lisusu té, matanga ekozala té, to mawa, to mpasi. Mpamba té makambo ya kala esili.

—Yebisa 21:4

44 ESENGO NA BATÓ OYO BANYOKWAMAKA

1 Kor. 10:13

Satana amekaka bino, kasi asukisi makasi na bino ya bomoto té. Mpo Nzambe abosanaka bato na ye té. Atikaka té 'tè oyo azali komeka bino álonga bino; kasi kaka na ntango wana akopesa bino nguya mpo bókoka kokanga mitema mpe bóbika.

Nzembo 34:20

Bato ya malamu bamonaka mpasi mingi; kasi mbala nyonso Nkolo abikisaka bango.

Rom. 16:20

Etikali moke, Nzambe ya bوبoto átia Satana na nse ya makolo na bino mpo bónyata ye!

Rom. 8:28

Toyebi 'tè Nzambe asalaka na kati ya makambo nyonso mpo na bolamu ya bato oyo balingaka ye, baoyo ye moko abengi, lokola akanaki uta kala.

Ebreo 2:18

Lokola Satana amekaki Yezu, ntango amonaki mpasi, ye akoki kosalisa baoyo bazali komona mpasi.

Yezaya 43:2

Soki bokatisi mai, nakozala elongo na bino; bokodinda té. Soki botamboli na kati-kati ya móto, bokozika té; bokokóma makala té.

Yebisa 2:7

Moto oyo azali na matoi, áyoka makambo Molimo alobi na bakenklezia ya Nzambe! Baoyo bakolonga, nakopesa bango nzela ya kolia mbuma ya nzete ya bomoi oyo ezali na mboka ya Nzambe.

Yebisa 3:12

Baoyo bakolonga, nakokómisa bango lokola makonzi ya Ndako ya Nzambe na ngai, mpe bakotikala kuna libela. Nakokòma likolo na bango nkombo na ngai ya sika, mpe nkombo ya Nzambe na ngai, na mpe nkombo ya mboka ya Nzambe na ngai, Yeruzaleme ya sika. Mboka yango ekouta na Li-

colo, esika Nzambe na ngai azali, bongo ekoya kokita awa na nse.

Yebisa 3:5

Baoyo bakolonga, bakolata bilamba ya pembe. Nakolongola bankombo na bango na buku ya bomoi soki moke té. Na miso ya Tata na ngai mpe na miso ya baanzelu na ye, nakondima 'tè bazali bato na ngai.

Yebisa 3:21

Baoyo bakolonga, nakopesa bango nzela ya kofanda penepene na ngai na kitin na ngai ya bokonzi, lokola ngai moko nalangi mpe nafandi penepene ya Tata na ngai na kitin na ye ya bokonzi.

Luka 16:18

Moto nyonso oyo aboyi mwasi na ye mpe abali mosusu, asali kindumba. Mpe moto abali mwasi oyo mobali aboyi, asali kindumba.

1 Kor. 7:10-11

Natindi bato ya libala boye: mwasi ákabwana na mobali na ye té. Kasi soki bakabwani, átikala monzemba to áyokana lisusu na mobali na ye. Mpe mobali átika mwasi na ye té. Motindo oyo ezali ya ngai té, kasi euti na Nkolo . . . Mwasi ya libala asengeli kokanga-na na mobali na ye, ntango azali na bomoi; bongo soki mobali

akufi, akoki kobala oyo motema na ye elingi. Kasi bobele mo-kristu.

Rom. 7:2-3

Mibeko etindaka 'tè mwasi ya libala átosa mobali na ye ntango mobali azali na bomoi. Kaši soki mobali na ye akufi, asengeli kotosa mibeko ya libala lisusu té. Bongo soki akómi mwasi ya mobali mosusu, ntango mobali na ye azali na bomoi, akómi mwasi ya ndumba. Nzokande soki mobali na ye akufi, Mibeko epesaka mwasi wana nzela ábala mobali mosusu; boye bakoki kobenga ye mwasi ya ndumba té.

Marko 8:38

Soki moto azali koyoka nsoni mpo na ngai mpe mpo na maloba na ngai, na miso ya bato ya masumu oyo batosaka Nzambe té, ngai Mwana ya Moto nakoyoka mpe nsoni mpo na ye, ntango nakoya na lokumu ya Tata na ngai, elongo na baanzelu ya Nzambe.

Yakobi 5:8

Bókanga mitema mpe bázala na molende, mpamba té mokolo oyo Nkolo Yezu akoya, ekómi pene-pene.

Matayo 24:27. 30

Mwana ya Moto akoya ndenge nkake eutaka na likolo mpe enge-

ngisaka mokili mobimba; bongo elembo ya Mwana ya Moto ekomonana na likolo. Na ntango wana bato ya bikolo nyonso ya mokili bakolela, mpe bakomona ye azali koya na likolo ya mapata, na lokumu mingi.

Matayo 16:27

Etikali moke ngai Mwana ya Moto náya na lokumu ya Tata na ngai, nzela moko na baanzelu na ye. Bongo nakofuta moto na moto na ndenge ya misala na ye.

Luka 12:40

Bomibongisa, mpamba té ngai Mwana ya Moto nakoya na ngo-nга oyo bino boyebi té.

Luka 21:27

Bato bakomona ngai Mwana ya Moto nazali koya na likolo ya lipata, na nguya mpe na lokumu mgingi.

Yoane 14:3

Nakokende kobongisela bino esika, mpe nakoya lisusu koka-mata bino, mpo bino mpe bázala na esika oyo ngai nazali.

1 Yoane 3:2

Bandeko na ngai ya bolingo, sikoyo tozali bana ya Nzambe, kasi toyebi naino malamu té soki tokozala ndenge nini. Nzokande toyebi 'tè ntango Kristu ako-

monana, tokokokana na ye, mpa-mba té tokomona ye ndenge azali.

Yebisa 16:15

Yoka! Nakoya lokola moyibi! Esengo na moto oyo azali koke-ngela mpe kobatela bilamba na ye, soki té akotambola bolumbu mpe akomona nsoni na miso ya bato.

Misala 1:11

Bato ya Galilea, mpo na nini botikali awa mpe bozali kotala na likolo? Yezu oyo atiki bino mpo na kobuta na likolo, akozonga nde-nge moko lokola bomoni ye akei na likolo.

MALOBA YA NZAMBE

Nkolo, maloba na yo ekoumela seko, kuna na Likolo!

—Nzembo 119:89

Mikanda nyonso ya Nzambe ekòmamá na nguya na ye, mpe ebongi mpo na koteya mpe kolakisa bato nzela ya bosembo, mpo na komonisa lokuta mpe kobongisa oyo ezali malonga té.

—2 Tim. 3:16

Mosakoli moko té asakolaki na mayele na ye ya bomoto; kasi bazalaki koloba maloba ya Nzambe, mpamba té Molimo Mosantu azalaki kolakisa bango makambo nyonso oyo basengelaki kosakola.

—2 Pieire 1:21

Nabombi maloba na yo na motema na ngai, mpo násala masumu té na miso na yo.

—Nzembo 119:11

Maloba na yo ezali mwinda liboso na ngai. Yango moto ezali komonisa ngai nzela.

—Nzembo 119:105

Yezu alobaki na Basadusé: Bino bozali komikosa, mpo boyebi Mikanda ya Nzambe té, mpe boyebi makasi na ye té.

—Matayo 22:29

Likolo na nse ekoleka, kasi maloba na ngai ekoleka soki moke té.

—Luka 21:33

Published in numerous languages by World Missionary Press, Inc.,
as God supplies funds in answer to prayer. **For questions or more
information by country, visit: www.wmp-contacts.org**

World Missionary Press, Inc.
PO Box 120
New Paris, IN 46553-0120 USA
www.wmpress.org

2-24

Read booklets online or by App
www.wmp-readonline.org
197 Kinshasa Lingala HFA

